

Morning Dogri (NSD) Bulletin

06-March-2026

आकाशवाणी

खास-खास खबरां:-

1. प्रधानमंत्री नरेन्द्र मोदी ते फिनलैंड दे राष्ट्रपति अलेक्जेंडर स्टब होरें दोर्नें मुल्खें दे सरबंधें गी आपसी हित च रणनीतिक सांझेदारी तगर बदाने पर सहमति जताई।
2. प्रधानमंत्री मोदी होर अज्ज कृति ते ग्रामीण बदलाव पर बजट मगरा आहले वेबिनार गी सम्बोधित करडन।
3. राष्ट्रपति द्रौपदी मुरमू होरें बक्ख-बक्ख राज्यें ते केन्द्र शासित प्रदेशें दे राज्यपाल ते उपराज्यपालें दियां नमियां नियुक्तियां कीतियां।
4. केन्द्रीय माध्यमिक शिक्षा बोर्ड पच्छिम एशियाई क्षेत्र नै इस महीने दी 7 थवां 11 तरीक तगर होने आहले 10मीं दे इम्तेहानें गी रद्द करी दिता ऐ।
5. अमरीका नै भारत गी समुन्द्र च फसे दे रूसी तेल गी खरीदने आस्तै 30 दिन दी छूट देने दी घोषणा कीती।
6. आई.सी.सी. मर्दे दे टी-20 क्रिकेट विश्व कप दे सैमीफाईनल च भारत नै इंग्लैंड गी हराइयै फाइनल च प्रवेश कीता।

<><><><><>

ते हूँन खबरा विस्तार कन्नै:-

<><><><><>

PM -Finland Talk

प्रधानमंत्री नरेन्द्र मोदी ते फिनलैंड दे राष्ट्रपति अलेक्जेंडर स्टब होरें नियम आधारित अंतराष्ट्रीय बवस्था ते संयुक्त राष्ट्र केन्द्रीय बहुपक्खी सहयोग दी वचनबद्धता दोहराई ऐ। फिनलैंड दे राष्ट्रपति हुंदी भारत यात्रा सम्पन्न होने पर भारत-फिनलैंड नै सांझे ब्यानै च आखेआ जे दवै मुख्य आपसी सम्मान- लोकतंत्र ते विधि सम्मत शासन मूल्यें पर आधारित भारत ते फिनलैंड बश्कार डूंगी दोस्ती ते वैश्विक शांति- सुरक्षा ते अंतराष्ट्रीय कन्नू दे पालन दी वचनबद्धता दी तस्दीक कीती। उंनें आपसी हित ते आपसी लाह आस्तै सख्त ते लगातार टिकाऊ ते डिजिटलाइजेशन च भारत-फिनलैंड सरबंधें गी रणनीतिक सतह तगर बदाने पर सहमति जताई।



Secretary Finland

फिनलैंड दे विदेश मंत्रालय दे पच्छमी मुल्खे दे मामले दे सचिव सिबी जॉर्ज होरे आखेआ ऐ जे प्रधानमंत्री नरेन्द्र मोदी ते फिनलैंड दे राष्ट्रपति अलेक्जेंडर स्टब होरे पच्छम एशिया च मौजूदा स्थिति पर चर्चा कीती ऐ। नमी दिल्ली च मीडिया गी जानकारी दिंदे ही जॉर्ज होरे आखेआ जे दौने नेताएं पच्छम एशिया दी स्थिति सने भारत ते फिनलैंड दे महत्वपूर्ण मुद्दे पर चर्चा कीती। उने आखेआ जे दौने नेताएं व्यापक गल्लबात च दपक्खी सरबंधे दे सारे पैहलुएं पर चर्चा कीती ऐ। उने आखेआ जे गल्लबात दौरान यूक्रेन संघर्ष पर बी गल्ल होई ऐ।



Civil Aviation

सिविल हवाबाजी मंत्रालय नै आखेआ ऐ जे भारतीय घरेलू एयरलाइनें आसेआ संचालित कुल 281 डोआरियां रद्द कीतियां गेइयां न। औदे च आखेआ गेआ ऐ जे मंत्रालय पच्छम एशिया दी स्थिति पर नेइमी तक्क रक्खा रदा ऐ। मंत्रालय नै सोशल मीडिया पोस्ट पर आखेआ जे यात्रिये गी असल समे पर सहायता प्रदान करने आस्तै समर्पित यात्री सहायता नियंत्रण कक्ष 24 घंटे कम्म करा रदा ऐ। उने आखेआ जे एयरलाइन्स ते सरबंधी धडे दे तालमेल कन्ने एयर सेवा पोर्टल, सोशल मीडिया प्लेटफार्म ते समर्पित हैल्पलाइन्स कॉल राएं इस अवधि च केई सारी शकैते दा हल कीता गेआ ऐ। सहायता आस्तै यात्री हैल्पलाइन नम्बर 011-24604283 ते 011-24632987 पर सम्पर्क करी सकदे न।



PM -Agri Webinar

प्रधानमंत्री नरेन्द्र मोदी अज्ज वीडियो कांफ्रेंस दे राहे अज्ज बड्डले राई-बाई ते ग्रामीण बदलाव आले विशे पर बजट दे मगरा आले इक वैबीनार गी सम्बोधित करडन। इस विशे दे तैहत ग्रामीण आजीविका, राई-बाई, मच्छी पालन ते पशु पालन ते डेयरिये ज्नेह बड्डे खेतरें च 8 बक्ख-बक्ख वेबीनार सत्र आयोजित कीते जाडन। बजट दे बाद आला वैबीनार- काजू, खोपे, चंदन, बदाम, अखरोट ते इस चाल्ली दिये किश होरनें फसले दी समर्थ दा विस्तार करिये उच्ची गुणवत्ता आले राई-बाई उत्पादे गी बढ़ावा देने पर केन्द्रित होग। इस दरान AI आसेआ संचालित डिजिटल सार्वजनिक ढांचे- भारत विस्तार दे तैहत उपलब्ध मौके पर बी बचार कीता जाहग।



PM- New Metro

प्रधानमंत्री नरेन्द्र मोदी अँदे एतवारें राष्ट्रीय राजधानी च 2 नमें मेट्रो कॉरिडोर दी शुरुआत करडन ते 3 बादू कॉरिडोर दा नीह पत्थर रक्खडन। दिल्ली दी मुखमंत्रि रेखा गुप्ता होंरें मीडिया गी सम्बोधित करदे होई आखेआ जे प्रधानमंत्री दिल्ली मेट्रो दी पिक लाइन दे मजलिस पार्क सोयां मौजपुर-बाबरपुर खंड ते मैजटा लाइन दे दीपाली चौक थवां मजलिस पार्क खंड दा उदघाटन करडन। मुखमंत्रि होंरें आखेआ जे 18 ज्हार 2 सौ करोड़ रपे थवां मती लागत आहली एह परियोजना सार्वजनिक यातायात गी मज़बूत करोग ते एदे कन्नै पूरे महा-नगर च आवा-जाई ते राबता बेहतर होग।



VB-G RAM G Digital

ग्रामीण विकास मंत्रालय MY भारत दे सहयोग कन्नै अज्जै थवां राष्ट्रव्यापी विकसित भारत VB G RAM G युवा डिजिटल अभियान शुरु करारदा ऐ। एदा मकसद विकसित भारत ग्रामीण रोजगार ते आजीविका मिशन अधिनियम 2025 दे बारे च आम लोकें च जागरूकता बढ़ाना ऐ। अभियान दा मकसद युवाएं गी इस पैहल दे केन्द्र च रक्खिए सोआल-जवाब, वीडियो चुनौतियां ते रचनात्मक प्रतियोगिताएं जनेई गतिविधियें कन्नै जोड़ना ऐ।



Governors Appointment

राष्ट्रपति द्रौपदी मुर्मू होंरें बक्ख-बक्ख राज्यें ते केन्द्र शासत प्रदेशों दे राज्यपाल ते उपराज्यपालें दीयां नियुक्तियां कीतियां ना। हिमाचल प्रदेश दे राज्यपाल शिव प्रताप शुक्ला होंरें गी तेलंगाना दा- जिसले कि तेलंगाना दे राज्यपाल जिष्णु देव वर्मा होंरें गी महाराष्ट्र दा- राज्यपाल बनाया गेआ ऐ। बिहार विधान सभा दे साबका अध्यक्ष नंद किशोर यादव होंरें गी नागालैंड दा राज्यपाल- जिसले कि रटैर लैफ्टिनेंट जनरल सैयद अता हसनैन होंरें गी बिहार दा राज्यपाल- नियुक्त कीता गेआ ऐ। तमिनालडू दे राज्यपाल आर.एन. रवि होंरें गी पच्छिम बंगाल दे राज्यपाल दा कम्मकाज दिता गेआ ऐ। केरल दे राज्यपाल राजेन्द्र विश्वनाथ आर्लेकर हुन तमिनाडु दे राज्यपाल दा ओहदा संभालाडन। राष्ट्रपति द्रौपदी मुर्मू होंरें पच्छिम बंगाल दे राज्यपाल डाक्टर सी.वी. आनंद बोस हुंदा इस्तीफा मंजूर करी लैता ऐ। लद्दाख दे उपराज्यपाल कविंदर गुप्ता होंरें गी हिमाचल प्रदेश दा- जिसलै कि दिल्ली दे उपराज्यपाल विनय कुमार सक्सेना होंरें गी लद्दाख दा- राज्यपाल बनाया गेआ ऐ। साबका राजनयिक तरणजीत सिंह संधु होंरें गी दिल्ली दा उपराज्यपाल नियुक्त कीता गेआ ऐ।



CBSE Exam Cancelled

केन्द्रीय माध्यमिक शिक्षा बोर्ड CBSE दे पच्छम एशियाई क्षेत्र नै इस महीने दी 7 थवां 11 तरीक तगर होने आहले 10मीं जमात दे इम्तेहान रद्द करी दिते न। पच्छम एशिया दे मौजूदा हालात गी दिक्खदे होई एह फैसला लैता गेआ ऐ। इस महीने दी 2, 5 ते 6 तरीक गी 10मीं दे इम्तेहान रद्द करी दिते गे। मध्य पूर्व च 10मीं दे इम्तेहान दे नतीजें दी घोषणा दे बारे च बक्खरे तौर पर जानकारी दिती जाग। इस महीने दी 7 तरीक गी होने आहली 12मीं जमात दे इम्तेहान बी अगड़े पाई दिते गे न। बोर्ड कल स्थिति दी समीक्षा करोग ते 9 मार्च थवां तय इम्तेहानें बारे निर्देश जारी करोग।

<><><><><><>

US Oil

अमरीका दे वित्त मंत्री स्कॉट बेसेंट होरें भारत गी समुन्द्र च फसे दे रूसी तेल गी खरीदने आस्तें 30 दिन दी छूट देने दी घोषणा कीती ऐ। एह गेंs वैश्विक ऊर्जा बजार च स्थिरता बनाई रक्खने दे मकसद कन्ने पुट्टी गई ऐ। इस छूट तैहत भारत गी उस रूसी तेल गी खरीदने दी इजाजत दिती गई ऐ- जेड़ा इसलै समुन्द्र च फसे दा ऐ। एदा मकसद एह यकीनी करना ऐ जे पैहले सोयां भेजी गेदी तेल आपूर्ति अंतराष्ट्रीय परिवहन जटिलताएं करी बेकार होने दे बजाए अपनी तय थाहर तगर पुज्जी सकें। अमरीका मूजब इनें विशेष तेल खेपे दी आवा-जाई गी संभव बनाइयै भारत दी ऊर्जा सुरक्षा गी सहारा थहोग ते वैश्विक ऊर्जा बजार दे सुचारु संचालन च मदद थहोग। एह छूट इक अस्थाई बवस्था दे तौर पर दिती गई ऐ। एह छड़ा उ'नें तेल खेपें पर लागू होग जेड़ियां पैहले सोयां गै रस्ते च न।

<><><><><><>

Eight CPC

8में केन्द्रीय वेतन आयोग नै सेवारत कर्मचारियें ते पेंशन सरबंधी संगठनें, संस्थानें ते इच्छुक व्यक्तियें सनें सबनें सरबंधी धड़े थवां जापन ते Representations मंगें न। आयोग नै अपनी आधिकारिकक वेबसाईट पर एदा प्रारूप उपलब्ध करोआया ऐ। आयोग दा आखना ऐ जे एह Representations ऑनलाईन पोर्टल गै मंजूर कीते जागडन ते कागजी प्रतियां, ई-मेल जां PDF मंजूर नैई कीते जागंन। आयोग नै सरबंधी धड़ें गी 30 अप्रैल 2026 तगर अपने जापन जमा करोआने लेई आखेआ ऐ।

<><><><><><>

SIR WB

पच्छम बंगाल च मतदाता सूचियें दी बशेश ते तेज़ रफ्तार नज़रसानी लेई गोआंडी राज्यें- ओडीशा ते झारखंड थमां 200 होर जजें दी नियुक्ति कीती जा'रदी ऐ। एह नमें नियुक्त जज- बकाया पेदे तकरीबन 60 लक्ख

मामलें दी जांच करडन। राज्य दे मुख्य चुनांस अधिकारी हुंदे दफतरें मूजब, इनें जजें गी नार्थ ते साऊथ 24 परगना- पूर्वी ते पच्छमी बुरदवान, हावड़ा, हुगली, नादिया ते बीरशुभ जिलें च तैनात कीता जाहगा।



Cricket

भारत आई.सी.सी. टी-20 क्रिकेट विश्वकप दे फाईनल च पुज्जी गोआ ऐ। कल रातीं मुम्बई दे वानखेड़े स्टेडियम च दुए सैमीफाईनल दे रोमांचक मुकाबले च भारत नै इंग्लैंड गी 7 रन्ज कन्नै हराई दिता। 254 रन्ज दे लक्ष्य दे परते च इंग्लैंड नै 7 विकट पर 246 रन्ज बनाए। भारत नै पैहले बल्लेबाजी करदे होई 20 ओवर च 7 विकटां मुहाड़यें 253 रन्ज बनाए। संजू सैमसन नै 42 गेंदे च नानूए रन्ज बनाए। शिबम दूबे नै 43 रन्ज बनाए। संजू सैमसन गी प्लेयर ऑफ द मैच घोषित कीता गोआ। हुन एतवारें भारत दा मुकाबला न्यूजीलैंड कन्नै होग। एह मैच अहमदाबाद दे नरेन्द्र मोदी स्टेडियम च खेडेया जाग।



Read by : **Shruti Khajuria**
Stand by : **Vijay Bajaj**
D.E.O. : **Rajni Devi**
Skilled : **Rajat Paul**
Editor : **Abhilasha Sharma**